



**WYTHNOS
ELUSENNAU
CYMRU**

**WELSH
CHARITIES
WEEK**

Pecyn Ymgyrchu

Cyflwyniad

Mae Wythnos Elusennau Cymru yn ôl ac yn cael ei chynnal eleni rhwng 21-25 Tachwedd 2022.

Diben yr wythnos hon yw cydnabod gwaith elusennau, mentrau cymdeithasol, mudiadau gwirfoddol a grwpiau cymunedol a gwirfoddol yng Nghymru.

Mae elusennau nid yn unig yn achubiaeth i'r rhai mwyaf agored i niwed, ond maen nhw hefyd yno i bobl drwy'r cyfnodau da a drwg, yn cymryd camau bach yr olwg sy'n arwain at wahaniaeth mawr.




Wedi'i drefnu gan CGGC, cefnogir Wythnos Elusennau Cymru gan ITV Cymru Wales.



Ynglŷn â'r pecyn hwn

Yn y pecyn ymgyrchu hwn, byddwch chi'n dod o hyd i syniadau i'ch helpu chi i gymryd rhan yn Wythnos Elusennau Cymru ac adnoddau i'ch helpu i ledaenu'r gair am yr wythnos ar hyd a lled y wlad.

Yn y pecyn ymgyrchu:

-  Sut i gymryd rhan
-  Negeseuon awgrymedig ar gyfer y cyfryngau cymdeithasol
-  Graffigau ac asedau cyfryngau cymdeithasol

Sut i gymryd rhan

Dewch i ni wneud #MwyOWahaniaethGydanGilydd yn ystod #WythnosElusennauCymru. Ewch ati i wirfoddoli, rhoi neu ddweud diolch i'ch hoff elusen neu grŵp gwirfoddoli!

Waeth a ydych chi'n gweithio neu'n gwirfoddoli gyda mudiad elusennol neu dim ond eisiau rhoi sylw i elusen sy'n agos at eich calon, mae llwyth o ffyrdd o gymryd rhan yn ystod Wythnos Elusennau Cymru.

1. SONIWCH AM ELUSEN NEU GRŴP GWIRFODDOL YNG NGHYMRU AR GYFRYNGAU CYMDEITHASOL

Oes gennych chi hoff elusen sy'n agos at eich calon? Soniwch amdanyn nhw ar blatfform cyfryngau cymdeithasol o'ch dewis. Dywedwch wrthym ni pam eich bod yn eu hoffi a chofiwch ddefnyddio #WythnosElusennauCymru.

Dywedwch 'da iawn' wrth grŵp rydych chi'n ei edmygu, neu dywedwch wrthym ni sut mae mudiad elusennol arbennig wedi cael effaith go iawn ar eich bywyd chi neu fywyd rhywun sy'n golygu llawer i chi. Rydyn ni eisiau creu ychydig o drwr ynghylch y gwaith gwych y mae mudiadau gwirfoddol o bob lliw a llun yn ei wneud ledled Cymru.

2. RHOI

Wythnos Elusennau Cymru yw'r adeg berffaith i roi rhodd i'ch hoff elusen. Mae llawer ohonom ni'n teimlo pwysau'r argyfwng costau byw, ond cofiwch, nid oes raid iddo fod yn rhodd ariannol – gallai fod yn fag o ddillad neu eitemau eraill i'ch siop elusen leol, neu gallech hyd yn oed roi ychydig o'ch amser drwy wirfoddoli (gweler isod).

Os ydych chi'n teimlo y gallech roi ychydig o arian i achos da, mae mudiadau gwirfoddol hefyd o dan lawer o bwysau ariannol ar hyn o bryd. Bydd unrhyw beth y gallwch chi ei roi i gefnogi gwaith elusennau yng Nghymru bob amser yn cael ei werthfawrogi.

Beth am ddweud wrth y byd am eich rhodd a pham y gwnaethoch chi ei roi. Postiwch ddiweddariad gan ddefnyddio'r hashnod #GwneudMwyOWahaniaethGydanGilydd ar gyfryngau cymdeithasol.

SUT I ROI EICH RHODD


Ewch i wefan neu gyfryngau cymdeithasol eich achos dewisol i weld a oes ganddynt gyfarwyddiadau ar sut i godi arian ar eu rhan (e.e. efallai y bydd ganddynt eu tudalennau rhoi eu hunain neu ddefnyddio Just Giving, Local Giving ac ati). Os ydych chi'n defnyddio Instagram neu Facebook, gwiriwch i weld a yw eich hoff elusen wedi'i sefydlu i dderbyn rhoddion gan ddefnyddio eu hoffer codi arian.

Fel arall, ewch yn syth i un o'r llwyfannau isod i ddod o hyd i achos Cymreig a fyddai'n ddiolchgar am eich cefnogaeth. Os gallwch, ceisiwch ddewis cangen leol i sicrhau bod eich rhodd yn cefnogi gweithredu yma yng Nghymru.

- JustGiving
- Local Giving
- Crowdfunder
- Givey
- Total Giving

RHOI WRTH SIOPA

Os na allwch chi gyflwyno rhodd, beth am roi o'ch amser i drefnu rhai rhoddion awtomatig na fydd yn costio'r un geiniog i chi. Mae Cynlluniau fel **AmazonSmile** neu **Give as you live** yn cyflwyno rhoddion ar eich rhan bob tro rydych chi'n siopa gyda nhw ar-lein. Mae'n rhad ac am ddim a'r cwbl sydd angen i chi ei wneud yw creu cais cyflym i ddweud at bwy rydych chi am i'r arian fynd.



3. COFRESTRWCH I FOD YN WIRFODDOLWR

Oes gennych chi rywfaint o amser rhydd ac yn teimlo y gallech chi ei ddefnyddio i wneud ychydig o ddaioni? Beth am gofrestru i fod yn wirfoddolwr? Os oes gennych chi ddiddordeb mewn bod yn wirfoddolwr, mae www.volunteering-wales.net yn lle da i ddechrau.

Os byddwch chi'n gwirfoddoli yn ystod Wythnos Elusennau Cymru – boed hynny am y tro cyntaf neu fel rhan o rywbeth rydych chi eisoes yn ymwneud ag ef - rhowch wybod i ni ar y cyfryngau cymdeithasol gan ddefnyddio'r hashnod #GwneudMwyOWahaniaethGydanGilydd.



Postiadau awgrymedig ar gyfer y cyfryngau cymdeithasol

Bydden ni'n dwli cael eich help i gael mwy o bobl i gymryd rhan yn Wythnos Elusennau Cymru. Dyma rai postiadau awgrymedig y gallwch chi eu defnyddio ar gyfryngau cymdeithasol, mae croeso i chi eu haddasu, dim ond awgrymiadau yw'r rhain! Mae yna graffigau hefyd y gallwch chi eu defnyddio i fynd gyda'ch postiadau yn yr adran nesaf.

Beth am daflu golau ar waith gwych grwpiau nid-er-elw o bob lliw a llun yng Nghymru? Cymerwch ran yn #WythnosElusennauCymru – 21-25 Tachwedd 2022 <https://wythnoselusennau.cymru/>



Mae 21-25 Tachwedd yn #WythnosElusennauCymru. Ewch ati i gymryd rhan a helpu i gydnabod y gwaith y mae elusennau, mentrau cymdeithasol, mudiadau gwirfoddol a grwpiau cymunedol yn ei wneud yng Nghymru. <https://wythnoselusennau.cymru/>



Dewch i ni wneud #MwyOWahaniaethGydanGilydd yn ystod #WythnosElusennauCymru. Ewch ati i wirfoddoli, rhoi neu ddiolch i'ch hoff elusen neu grŵp gwirfoddol! 21-25 Tachwedd <https://wythnoselusennau.cymru/>



Rhwng 21-25 Tachwedd, mae'n #WythnosElusennauCymru – darganfyddwch sut gallwch chi gymryd rhan yn <https://wythnoselusennau.cymru/>



